

# JUT

<sup>1</sup> E Jut. E Yesus Kristus aqa wau tamo. E Jems aqa was. E anjam endi nengrenyosim ningi tamo ungasari Qotei na metnjej qaji nungoq qarinyonum. Abu Qotei na ningi qalaqalaingeqnu. Yesus Kristus a segi na ningi taqatnjeqnu.

<sup>2</sup> Qotei a ningi qa tulanj dulosim qalaqalainjimqa ningi geregere lawo na soqniy.

*Jeu tamo nanji uliosib Kristen nanjo ambleq aiye*

<sup>3</sup> O ijo was bole, Qotei na ningi e ti padalo sawaq na elenjej. Qotei aqa wau deqa e na nengrenyosiy nungoq qarinyqajqa are koba unu. Ariya e anjam bei dego nengrenyosiy nungoq qarinyqajqa are unu. Anjam agiende. Gago areqalo Yesus qa singilatem qaji di jeu tamo nanji na ugeugeiyqa laqnub. Deqa ningi na tamo nanji di gotranjroqniy. Ningi qalie, Qotei na gam waqtetgonaqqa iga Yesus qa gago areqalo singilatem. Iga Qotei aqa tamo ungasari unum deqa tamo bei na gago areqalo di ugeugeiyqa keresai.

<sup>4</sup> O ijo was, tamo qudei nanji uliosib nungo ambleq aiye. Qotei a nami tamo nanji deqa endegsi marej, “Mondon e nanjo une qa peginrsiy padalt-njrqi.” Od, tamo nanji di Qotei qoreiyeqnu. Qotei a iga qa are boleiyeqnu aqa kumbra di tamo nanji dena olo bubulyoqnsib mareqnu, “Qotei a iga qa are boleiyeqnu deqa unqum, iga kumbra

uge uge yoqñqom.” Nanği degsib maroqnsib gago Gate Koba Yesus Kristus qoreiyeqnub.

<sup>5</sup> Nınđi qalie, nami Israel nanđi Isip sawaq di sonabqa Tamo Koba a nanđi joqsiq sawa beiq gilej. Joqsiq gilsıqa ariya nanđi qudei a qa nanđo areqalo sinđilatosai deqa a na nanđi padaltnjrej. E nunđo are tigeltetnđitqa nınđi Israel nanđo kumbra deqa are qaliy.

<sup>6</sup> Nınđi lanđ anđro uge uge nanđi qa dego are qaliy. Tulanđ nami nanđi lanđ qureq di Qotei aqa wau ojoqnsib olo lanđ qure uratosib jaraiyeb. Deqa Qotei na nanđi ojelenosiq sawa ambruq di breinjrsiq tontnjrej. Nanđi sawa dia tariñsokobaiyib monđonđınđo batiamqa Qotei na nanđi olo osimqa nanđo une qa nanđi peginjrqaş.

<sup>7</sup> Nami Sodom ti Gomora ti qure kalil jojom di soqneb qaji nanđi ti lanđ anđro uge uge nanđo kumbra di dauryoqnsib sambala kumbra tulanđ ugedamu yoqneb. Nanđo sambala kumbra di tulanđ bei. Deqa monđonđ Qotei na nanđi ñamyuwoq di breinjrim nanđi bati gaigai dia sqab.

Qotei na nanđi degsim padaltnjrqaş deqa iga ulaoqnsim nanđo kumbra uge di dauryqa uratqom.

<sup>8</sup> Ariya tamo nanđi nunđo ambleq aiyeb qaji nanđi dego kumbra uge deqaji dauryeqnub. Ađi nanđi ñeiobilqeiyoqnsib dena nanđo segi jejamu jıga yeqnub. Osib Qotei a nanđo Tamo Koba sqajqa deqa asđinjreqnaqa olo diqoqnsib Qotei aqa lanđ anđro kokba nanđi misilinđreqnub.

<sup>9</sup> Lanđ anđro gate Maikel a kumbra degyosaieqnu. A nami Satan ombla ñirinđosib nanđi Moses aqa qusa oqajqa deqa anđam na qotoqnsib ariya

Maikel a Satan misiliŋyosai. A Satan misiliŋyqa uratosiq minjej, “Tamo Koba a segi na ni saidmim medabu getentqam.”

<sup>10</sup> Tamo naŋgi nuŋgo ambleq aiyeb qaji naŋgi di tulaŋ diqoqnsib kumbra naŋgi poinjrosai qaji di olo misiliŋyeqnu. Naŋgi wagme juwaŋ bul tulaŋ nanarioqnsib naŋgo segi jejamu qa arebolebolein-jreqnu. Naŋgo kumbra deqa mondoŋ Qotei na naŋgi ŋumougetqas.

<sup>11</sup> Od, tamo naŋgi di tulaŋ padalougetqab. Kein a nami kumbra uge yoqnej dego kere tamo naŋgi di Kein dauryosib kumbra uge yeqnu. Naŋgi silali koba oqajqa deqa maroqnsib gam grotoqnsib Balam aqa kumbra uge dauryosib laqnu. Kora agi nami Qotei aqa anjam gotraŋyoqnej qaji aqa kumbra uge dego naŋgi dauryeqnu. Deqa naŋgi padalougetqab.

<sup>12</sup> Tamo naŋgi di tulaŋ ugedamu. Niŋgi iŋgi uyqa korooqnsibqa Qotei aqa qalaqalaiyo kumbra dauryqa oqnsib awoeqnab tamo naŋgi di uli na boqnsib nuŋgo ambleq di kumbra tulaŋ jigat yeqnu. Naŋgi kumbra di yqajqa jemainjrosaieqnu. Naŋgi naŋgo segi jejamu qa are qaleqnu. Jagwa na awa puyeqnaqa urur koboeqnu dego kere tamo naŋgi di kumbra bole bei babtosaieqnu. Qura geitqa batieqnaqa a geitosaieqnu dego kere tamo naŋgi di kumbra bole bei babtosaieqnu. Iga ŋamtaŋ moiyo otoroqnsim taqal breinjreqnum dego kere tamo naŋgi di Qotei na osim sawa ugeq di breinjraqas. Deqa mondoŋ naŋgi moyougetosib torei padalqab.

<sup>13</sup> Jagwa na yuwal tigelteqnaqa yuwal korkortoqnsiq morman aiyeqnu dego kere tamo naŋgi

di kumbra uge uge babtelenoqnsib nanği nanğo kumbra uge deqa jemainjrosaieqnu. Nanği bongar bul dego unub. Agi bongar nanği lanğ goqe di gam grotuqnsib lanğa lanğa laqnub. Deqa mondon Qotei na tamo nanği di breinjrim sawa ambruq aiyelenosib bati gaigai dia sqab. Sawa ambru di Qotei na nami nanği gereiyetnjrej unu.

<sup>14</sup> Nami Enok a Qotei aqa medabu osiqa tamo uge nanği deqa anjam maroqnej. A Adam aqa silei 7q dena nambabej. A anjam bei endegsi marej, “Ninği uniy. Mondon Tamo Koba a na aqa segi lanğ anğro tulanğ gargekoba nanği joqsim bqas.

<sup>15</sup> Bosim tamo kalil a qoreiyeqnu qaji nanğo une qa peginjrsim ugeugeinjrqas. Osim nanğo kumbra uge uge kalil nanği osornjrimqa nanği deqa are koba qalsib gulbe kokba oqab. Tamo nanği di Qotei qa misilinğ anjam koba maroqnsib kumbra ugedamu yeqnu. Deqa Qotei na nanği gulbe tulanğ kokba enjrqas.” Enok a nami anjam degsi marej.

<sup>16</sup> Tamo nanği di gaigai ulatamu ugeinjreqnaqa tamo nanğo jejamuq di anjam lanğa lanğa qamelenoqnsib nango segi areqalo uge uge dauryeqnu. Nanği nanğo medabu waqtoqnsib diqoqnsib nanğo segi nıam soqteqnu. Osib tamo unğasari nanği walawalainjreqnab nanği na nanği daurnjreqnu.

*Nunğo areqalo Qotei qa sinğilateqnu qaji di ninği ojesoqniy*

<sup>17</sup> Ariya ijo was bole, ninği kumbra mondon brantqas qaji deqa are qaloqniy. Gago Tamo Koba Yesus Kristus a na aqa anjam maro

tamo nanği qarınjnreqnaqa nunğoq boqnsib kumbra deqa mernğoqneb. Nanğo anjam deqa niği olo are qaloqniy.

<sup>18</sup> Agi nanği anjam endegsib mernğoqneb, “Mondor diño bati jojomamqa meqe meqem tamo nanği boqnsib Qotei qoreiyoqnsib nanğo segi areqalo uge uge dauryoqnqab.”

<sup>19</sup> O ijo was kalil, meqe meqem tamo nanği dena Kristen nanği potoaiyeltnjreqnub. Osib mandam qa inği inği qa are koba qaleqnu. Qotei aqa Mondor a nanğoq di sosai deqa nanği kumbra uge di yeqnu.

<sup>20</sup> Ariya ijo was bole, nunğo areqalo Qotei qa singilateqnu qaji di niği ojesibqa dena niği tulanğ singilaqab. Osib niği Mondor Bole aqa singilana pailyoqniy.

<sup>21</sup> Qotei a niği qalaqalaingeqnu deqa niği a beteryesoqniy. Yimqa a gaigai niği qalaqalaingoqnqas. Niği gago Tamo Koba Yesus Kristus a iga qa dulqajqa tariñoqniy. Niği degyqab di niği nambile gaigai sqab.

<sup>22</sup> Tamo qudei Yesus qa nanğo areqalo singilateqnu qaji nanğo areqalo olo gulbeinjreqnu. Deqa niği nanği qa duloqniy.

<sup>23</sup> Tamo qudei nanği une ti unub deqa nanği nıamyuwoq aiqa laqnu. Deqa niği nanği urur minjribqa nanği nanğo une uratosib are bulyqab. Osib deqa nanği nıamyuwoq aiqasai. Qotei na nanği elenqas. Tamo qudei nanği nanğo areqalo namij dauryeqnu deqa nanği gara sari bulosib tulanğ jiga ti unub. Deqa niği nanği qa olo duloqnsib nanğo une qa ulaosib kumbra jigat deqaji kalil

uratosib sasaloiy.

*Iga Qotei aqa ñam soqtoqnqom*

<sup>24</sup> O ijo was kalil, Qotei na ningi taqatngimqa ningi ulonqasai. Mondon a na ningi joqsim lan qureq osi oqimqa ningi aqa rian unsib une saiqoji sqab. Bati deqa ningi tulan areboleboleingim sqab.

<sup>25</sup> Qotei a segi qujai Qotei bole. A gago Tamo Koba Yesus Kristus aqa wau na iga elenjej. Deqa iga aqa ñam soqtoqnqom. A gago Mandor Koba singila ti unu qaji. A na ingi ingi kalil taqatejunu. A nami degsi soqnej. A bini degsi unu. A bati gaigai degsi sqas. Bole.

**Yesus Aqa Anjam Bole 2000**  
**The New Testament in the Anjam language of Papua**  
**New Guinea, 2000 edition**  
**Nupela Testamen long tokples Anjam long Niugini,**  
**2000**

Copyright © 2000 The Bible Society of Papua New Guinea

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2001-01-01

---

PDF generated using Haiola and XeLaTeX on 28 Dec 2024 from source files dated 31 Aug 2023

6bd977a8-0139-583b-a367-c04faf6223cc